


**Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA**

S A P N A



Službeni glasnik Općine Sapna

**Godina: XXVII
Datum izdavanja:
12.12.2025. godine**

Broj: 8 / 2025.

S A D R Ž A J

I. AKTI OPĆINSKOG VIJEĆA

1. Odluka o usvajanju Izvještaja o izvršenju Budžeta općine Sapna za period 01.01.2025.godinu do 30.09.2025.godine.
2. Zaključak o usvajanju Nacrta Budžeta općine Sapna za 2026.godinu.
3. Zaključak o usvajanju Odluke o izvršavanju Budžeta općine Sapna za 2026.godinu.
4. Odluka o davanju saglasnosti za zaključenje sudskog poravnania.
5. Odluka o utvrđivanju prijedloga kandidata za konačno imenovanje članova Nadzornog odbora JKP“Sapna“ d.o.o. Sapna.
6. Odluka o utvrđivanju prijedloga kandidata za konačno imenovanje članova Nadzornog odbora JP“Veterinarska stanica“ d.o.o. Sapna.
7. Zaključak o usvajanju Informacije o uspjehu učenika i postignutim rezultatima u JU OŠ Sapna na kraju školske 2024/2025.godine.
8. Zaključak o usvajanju Informacije o uspjehu učenika i postignutim rezultatima u JU MSŠ Sapna na kraju školske 2024/2025.godine.
9. Zaključak o usvajanju Informacije o pisu učenika u prvi razred u JU OŠ Sapna i JU MSŠ Sapna u školskoj 2025/2026.godini.

II. AKTI OPĆINSKOG NAČELNIKA

1. Odluka o upotrebi naziva općine udruženju građana „Sedamnaest zlatnih“ Sapna.
2. Rješenje o izmjeni Rješenja o postavljanju komandata, načelnika i članova Općinskog štaba Civilne zaštite Sapna.
3. Program utvrđivanja lokacije za zauzimanje javnih površina.

„SLUŽBENI GLASNIK OPĆINE SAPNA“

Uređuje: Ljubinka Bodirola – sekretar Općinskog vijeća

Broj: 8/2025.

Datum, 12.12.2025.godine

Na osnovu člana 92. Zakona o Budžetima u Federaciji Bosne i Hercegovine („Službene novine Federacije Bosne i Hercegovine“ broj: 102/13, 09/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj: 49/06 i 51/09), člana 22. Statuta općine Sapna („Službeni glasnik općine Sapna“ broj: 6/07, 8/09 i 3/12), i člana 27. Odluke o izvršavanju budžeta općine Sapna za 2025. godinu ("Službeni glasnik općine Sapna" broj: 1/2025 i 5/25), Općinsko vijeće Sapna na sjednici održanoj dana 04.12.2025. godine, donosi:

O D L U K U
o usvajanju Izvještaja o izvršenju Budžeta općine Sapna za period
od 01.01.2025. do 30.09.2025.godine

Član 1.

Usvaja se periodični Izvještaj o izvršenju Budžeta općine Sapna za period od 01.01.2025. do 30.09.2025. godine.

Član 2.

Sastavni dio ove odluke je izvještaj o izvršenju budžeta općine Sapna za treći kvartal 2025. godine.

Član 3.

Odluka stupa na snagu danom objavljivanja u „Službenom glasniku općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-1/25
Sapna, 04.12.2025.godine

Predsjedavajući Općinskog vijeća
Salim Husejnović s.r.

IZVJEŠTAJA O IZVRŠENJU BUDŽETA OPĆINE SAPNA ZA PERIOD 01.01.- 30.09.2025. GODINE

Osnov za izvršavanje Budžeta općine Sapna u 2025. godini čine Budžet općine Sapna za 2025. godinu („Službeni glasnik općine Sapna“, broj 1/25 i 5/25) i Odluka o izvršavanju budžeta općine Sapna za 2025. godinu, („Službeni glasnik općine Sapna“, broj 1/25 i 5/25), te je shodno tim dokumentima sačinjen je ovaj izvještaj sa osnovnim informacijama.

Izvršavanje budžeta

U trećem kvartalu 2025. godine ukupni prihodi i primici kumulativno, ostvareni su u iznosu od 5.659.421,27 KM, a procenat ostvarenja je 66,63% u odnosu na godišnji plan koji iznosi 8.493.900,23 KM, odnosno procenat ostvarenja u odnosu na linearni plan za III (treći) kvartala 2025. godine je 88,84% koji iznosi 6.370.425,17 KM.

U izvještajnom periodu ostvarena je razlika između prihoda i primitaka i rashoda i izdataka u iznosu od 538.214,23 KM. Navedeni suficit je posledica je oprihodovanja pristiglih i prenešenih tekućih transfera od viših nivoa vlasti u izvještajnom periodu, povećanje poreskih prihoda, kao i manje ostvarenje kapitalnih izdataka za nabavku osnovnih sredstava (rekonstrukcija puteva, izgradnja građevina i sl.), gdje su radovi u toku i fakturisanja od strane izvođača radova uslijedeiti u sljedećem kvartalu.

Prihodi i primici

Ostvarenje prihoda i primitaka po osnovnim grupama je iskazano u narednom tabelarnom pregledu, uz iskazani procenat ostvarenja u odnosu na linearno definisani budžet za (III) treći kvartal kumulativno i ukupan godišnji Budžet općine Sapna za 2025. godinu.

Tabela 1. – Prihodi i primici

Ekonom. kod	PRIHODI I PRIMICI	Budžet za 2025. godinu	Linearni budžet za (III)kvartal 2025. godine	Ostvarenje za III kvartala 2025.godine	Procenat ostvarenja u odnosu na linearni budžet za (III) kvartal 2025. godine	Procenat ostvarenja u odnosu na godišnji plan
1	2	3	4	5	6 (5/4)	7 (5/3)
	I - PRIHODI OD POREZA	2.702.345,00	2.026.758,75	2.170.654,11	107,10%	80,32%
711000	Zaostali porezi na platu	1.820,00	1.365,00	2.289,26	167,71%	125,78%
713000	Porezi na plaću i radnu snagu	2.000,00	1.500,00	49,70	3,31%	2,49%
714000	Porez na imovinu	96.000,00	72.000,00	77.512,14	107,66%	80,74%
716000	Porez na dohodak	849.489,00	637.116,75	682.060,52	107,05%	80,29%
717000	Prihodi od indirektnih poreza sa jedinstvenog računa	1.753.036,00	1.314.777,00	1.408.742,49	107,15%	80,36%

	II - NEPOREZNI PRIHODI	729.770,24	547.327,68	372.808,09	68,11%	51,09%
721000	Prihodi od rente i zakupa	46.000,00	34.500,00	21.269,56	61,65%	46,24%
722000	Naknade i takse i prihodi od posebnih računa	678.770,24	509.077,68	349.084,28	68,57%	51,43%
723000	Novčane kazne	5.000,00	3.750,00	2.454,25	65,45%	49,09%
	III - TEKUĆI TRANSFERI I DONACIJE	4.980.569,99	3.735.427,49	3.033.762,97	81,22%	60,91%
732000	Tekući transferi i prenešena sredstva iz predhodne godine	4.754.465,67	3.565.849,25	2.862.668,30	80,28%	60,21%
733000	Donacije	226.104,32	169.578,24	171.094,67	100,89%	75,67%
	IV - KAPITALNI PRIMICI	81.215,00	60.911,25	82.196,10	134,94%	101,21%
813000	Primljene otplate datih zajmova i povrata učešća u kapitalu (Primici od povrata plaćenih zajmova po osnovu garancije i uplata udjela u kapitalu Rubus d.o.o.)	81.215,00	60.911,25	82.196,10	134,94%	101,21%
	UKUPNO PRIHODI I PRIMICI (I+II+III+IV)	8.493.900,23	6.370.425,17	5.659.421,27	88,84%	66,63%

Porezni prihodi

Porezni prihodi, ostvareni su sa 107,10% u odnosu na sredstava linearno definisana kumulativnim planom za III (treći) kvartal 2025. godine. Porez na dohodak ostvaren je sa 107,05 % u odnosu na plan za III (treći) kvartal. U strukturi prihoda od poreza najveći iznos zauzimaju prihodi od indirektnih poreza čije izvršenje u odnosu na linearno definisan devetomjesečni plan iznosi 107,15%. U ovoj grupi prihoda dominiraju prihodi od indirektnih poreza i prihodi od poreza na dohodak.

Neporezni prihodi

Neporezni prihodi su ostvareni sa 68,11% sredstava linearnog plana za III (treći) kvartal 2025. godine. U ovoj grupi prihoda spadaju prihodi od renti i zakupa koji su ostvareni sa 61,65 %, zatim naknade, takse i prihodi od pružanja javnih usluga te sredstva posebne naknade koji su ostvareni 68,57 % u odnosu na linearno definisani devetomjesečni plan prihoda, te prihodi od novčanih kazni.

Tekući transferi i donacije

U izvještajnom periodu tekući transferi i donacije i prenešena sredstva iz predhodne godine ostvarene su sa 81,22 % u odnosu na linearno definisani devetomjesečni plan prihoda i primitaka.

Donacije kao podgrupa čine sredstva mjesnih zajednica i druge donacije koje su uplaćene na račun općine Sapna za sufinansiranje izgradnje, sanacije i rekonstrukcije lokalnih puteva po mjesnim zajednicama, održavanje lokalnih vodovoda i drugo. Prihodi ostvareni po osnovu tekućih transfera i donacija su u cjelosti namjenska sredstva i njihova realizacija je vezana za konkretne projekte i aktivnosti.

Kapitalni primici

Kapitalni primici ostvareni su u procentu od 134,94% u odnosu na linearno definisan devetomjesečni plan, tj. 101,21% u odnosu na godišnji plan. Kapitalni primici ostvareni u izvještajnom periodu odnose se na povrat sredstava od JP Regionalna deponija Zvornik na ime datih garancija na kredit u iznosu od 72.196,10 KM i uplatu udjela u kapitalu u privrednom društvu Rubus d.o.o. u iznosu od 10.000,00 KM.

RASHODI I IZDACI

Tabela 2. Rashodi i izdaci

Ekon. kod	RASHODI I IZDACI	Budžet za 2025. godinu	Linearni budžet za (III)kvartal 2025. godine	Ostvarenje za (III) kvartal 2025.godine	Procenat ostvarenj a u odnosu na linearni buzdžet za (III) kvartal 2025	Procenat ostvarenj a u odnosu na godišnji plan
1	2	3	4	5	6 (5/4)	7 (5/3)
611000 612000	I - SREDSTVA ZA PLATE I NAKNADE, DOPRINOSI POSLODAVCA	1.965.215,00	1.473.911,25	1.472.878,72	99,93%	74,95%
613000	II - SREDSTVA ZA MATERIJAL, ENERGIJU I USLUGE	1.252.807,34	939.605,51	571.312,96	60,80%	45,60%
613100	Putni troškovi	10.900,00	8.175,00	848,98	10,39%	7,79%
613200	Izdaci za energiju	132.440,00	99.330,00	85.780,75	86,36%	64,77%
613300	Izdaci za komunalne usluge	41.160,00	30.870,00	18.530,55	60,03%	45,02%
613400	Nabavka materijala i sitnog inventara	45.922,00	34.441,50	36.221,68	105,17%	78,88%
613500	Izdaci za usluge prevoza i goriva	29.400,00	22.050,00	13.750,48	62,36%	46,77%
613700	Izdaci za tekuće održavanje	167.500,34	125.625,25	83.189,97	66,22%	49,67%

613800	Platni promet i osiguranje vozila	12.500,00	9.375,00	10.015,61	106,63%	80,12%
613900	Ugovorene i druge usluge	812.985,00	609.738,75	322.974,94	52,97%	39,73%
614000 615000	III - TEKUĆI TRANSFERI I TEKUĆI RASHODI	721.700,00	541.275,00	504.116,28	93,13%	69,85%
614100	Grantovi drugim nivoima vlasti	31.000,00	23.250,00	19.580,66	84,22%	63,16%
614200	Grantovi pojedincima	280.500,00	210.375,00	128.706,64	61,18%	63,16%
614300	Grantovi neprofitnim organizacijama	334.200,00	250.650,00	338.196,41	134,93%	101,20%
614400	Subvencije javnim preduzećima	20.000,00	15.000,00	3.000,00	20,00%	15,00%
614500	Subvencije privatnim preduzećima i poduzetnicima	3.000,00	2.250,00	0,00	0,00%	0,00%
614800	Ostali grantovi-povrati i drugo	4.000,00	3.000,00	3.065,36	102,18%	76,63%
615300	Kapitalni transferi neprofitnim organizacijama	49.000,00	36.750,00	11.567,21	31,48%	23,61%
616300	IV - Kamata na uzeti zajam	15.170,00	11.377,50	11.750,01	103,27%	77,46%
	V - KAPITALNI IZDACI I FINANSIRANJE	4.351.667,89	3.263.750,92	2.561.149,07	78,47%	58,85%
821300	Nabavka opreme	52.985,00	39.738,75	127.044,05	319,70%	239,77%
821000	Kapitalni izdaci za nabavku stalnih sredstava osim opreme	4.298.682,89	3.224.012,17	2.293.003,65	71,12%	53,34%
823000	Otplata primljenog zajma i garancije	184.340,00	138.255,00	141.101,37	102,06%	76,54%
	UKUPNO (I+II+III+IV+V)	8.490.900,23	6.368.175,17	5.121.207,04	80,42%	60,31%

Kada su u pitanju rashodi i izdaci za treći kvartal 2025. godine, oni su realizovani u ukupnom iznosu od 5.121.207,04 KM. Ostvarenje ukupnih rashoda i izdataka je manje za 1.246.968,13 KM u odnosu na linearni devetomjesečni budžet, te je procenat ostvarenja ukupnih rashoda i izdataka 80,42% u odnosu na devetomjesečni a 60,31 % u odnosu na godišnji budžet. Na ovaj rezultat najviše su uticali kapitalni izdaci, koji su realizovani u znatno manjoj mjeri od plana. Razlog je što je veliki broj građevinskih radova u toku te se u narednom kvartalu očekuje završetak velikog broja isitih i ispostavljanje faktura i situacija od strane izvođača radova.

Bruto plate i naknade

Bruto plate i naknade uposlenicima Općine Sapna, Općinskom pravobraniocu i J.U. Centar za socijalni rad ostvarene su u procentu od 99,93% u odnosu na linearno definisan plan za teći kvartal 2025. godine. U navedeno ulaze bruto plate i naknade, naknade troškova zaposlenih i doprinosi poslodavca.

Sredstva za materijal, energiju i usluge

Troškovi po ovoj vrsti ostvaruju se u manjem iznosu od planiranog. Ovo ostvarenje iznosi 93,13% sredstava linearno definisanog devetomjesečnog plana. U ovu kategoriju potpadaju putni troškovi, izdaci za energiju (troškovi električne energije, nabavka peleta i sl) koji su realizovani sa 86,36%, zatim nabavka materijala i sitnog inventara, troškovi goriva, troškovi tekućeg održavanja, platni promet i ugovorene i druge usluge. Najveće troškove u ovoj vrsti čine troškovi na ime ugovorenih i drugih usluga koj su realizovne sa 52,97 % u odnosu na linearno definisan devetomjesečni plan. Veći dio plana ugovorenih usluga odnosi se na sanaciju i održavanje putne infrastrukture, javne rasvjete, zgrada socijalnog stanovanja, rekultivaciju zemljišta u MZ Međeđa te nabavke i održavanja sistema protivgradne zaštite i dr.

Tekući transferi i tekući rashodi

Ova vrsta rashoda ostvarena je sa 134,93 % sredstava planiranih linearno definisanim devetomjesečnim planom. U ovu grupu izdataka ulaze i troškovi plata i doprinosa za roditelje njegovatelje od J.U. Centra za socijalni rad Sapna. Plate za njih planirane su na nivou minimalne plate iz 2024. godine, koja je znatno manja u odnosu na minimalnu platu po odluci Vlade FBiH za 2025. godinu. Gore navedeno je posljedica nešto većeg procenta ostvarenja tekućih transfera.

Kapitalni izdaci za nabavku opreme

Kapitalni izdaci za nabavku opreme realizovani su sa 319,70% u odnosu na linearno definisan devetomjesečni plan, a odnosi se na nabavku auto cisterne za potrebe Službe civilne zaštite.

Kapitalni izdaci za nabavku ostalih stalnih sredstava realizovani se u procentu 71,12 % u odnosu na linearno definisani devetomjesečni plan kapitalnih izdataka za nabavku ostalih stalnih sredstava.

Osnovni razlog ovakvog procenta realizacije je taj što za većinu projekata u ovom periodu je završena procedura izbora izvođača radova ili usluga a realizacija će uslijediti u narednom periodu. Ovi kapitalni izdaci odnose se na izdatke za putnu infrastrukturu, izgradnju građevina, rekonstrukciju i sanaciju vodotoka, vodosnadbijevanje, uličnu rasvjetu i sl.

Kapitalni izdaci za otplatu primljenog zajma i garancija realizovani su u procentu 102,06% u odnosu na linearno definisan devetomjesečni plan. Ovaj kapitalni izdatak odnosi se na izdatak za redovne otplate kredita, kao i izdatak na ime plaćanja po osnovu garancija datih JP Regionalna deponija „Zvornik“ d.o.o.

ZAKLJUČAK

Budžet općine Sapna je stabilan. Izvori osnovnih budžetskih prihoda ostvaruju se u planiranim okvirima. Realizacija kapitalnih grantova prati realizaciju radova i usluga, tako da će isti biti realizovani po okončanju radova i ispostavljanju faktura i okončanih situacija.

Rashodovna strana Budžeta se realizuje uz evidentiranje rezervacija i narudžbenica za redovnu budžetsku potrošnju organa uprave i budžetskih korisnika, za pokretanje postupaka javnih nabavki, izvođenje radova, praćenje i realizacije istih. U okviru kapitalnog dijela troškova kako je to već navedeno,

zbog dinamike ugovaranja i realizacije projekata može doći do prijenosa ugovorenih aktivnosti u naredne periode budžetske godine.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 04.12. 2025.godine, razmatrajući Nacrt Budžetu Općine Sapna za 2026.godinu, donijelo je

ZAKLJUČAK

I.

Usvaja se Nacrt Budžeta Općine Sapna za 2026.godinu i upućuje se na Javnu raspravu mjesnim zajednicama, javnim ustanovama, institucijama, udruženjima građana, boračkim udruženjima i budžetskim korisnicima i to putem obavještenja, da se materijal nalazi na web stranicu općine Sapna sa koje se može preuzeti.

II.

Zadužuje se Služba za privredu, budžet i finansije da uputi obavještenje korisnicima budžeta i sprovede Javnu raspravu u trajanju od **10** dana, a Centralna raspravu da održi dana 18.12.2025.godine u 9 sati u sali Općinskog vijeća Sapna.

III.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-2/1/25
Datum, 04.12.2025.godine

Predsjedavajući Općinskog vijeća
Salim Husejnović s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07 i 9/08), Općinsko vijeće Sapna na sjednici održanoj dana 04.12.2025.godine, razmatrajući Nacrt Odluke o izvršenju Budžetu Općine Sapna za 2026.godinu, donijelo je

ZAKLJUČAK

I.

Usvaja se Nacrt Odluke o izvršavanju Budžeta Općine Sapna za 2026.godinu i upućuje se na Javnu raspravu zajedno sa Nacrtom Budžeta općine Sapna za 2026.godinu, mjesnim zajednicama-a, javnim ustanovama, institucijama, udruženjima građana, boračkim udruženjima i budžetskim korisnicima i to putem obavještenja, da se materijal nalazi na web stranicu općine Sapna sa koje se može preuzeti.

II.

Zadužuje se Služba za privredu, budžet i finansije da uputi obavještenje korisnicima budžeta i sprovede Javnu raspravu u trajanju od 10 dana, a Centralna raspravu da održi dana 18.12.2025.godine u 9 sati u sali Općinskog vijeća Sapna.

III.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-3/25
Datum, 04.12.2025.godine

Predsjedavajući Općinskog vijeća
Salim Husejnović s.r.

Na osnovu člana 22. Statuta općine Sapna („Službeni glasnik općine Sapna“ broj 6/07, 8/09 i 3/12) Općinsko vijeće na redovnoj sjednici održanoj 04.12.2025.godine, donosi

ODLUKU
o davanju saglasnosti za zaključenje sudskog poravnanja

I

Daje se saglasnost Zajedničkom pravobranilaštvu za Općine Sapna i Teočak za zaključenje Sudskog poravnanja u pravnoj stvari tužitelja Općine Sapna protiv tužene JP „REGIONALNA DEPONIJA“ doo Zvornik u parničnom postupku koji se vodi kod Okružnog privrednog suda u Bijeljini, pod brojem 59 0 Ps 041634 25 Ps, radi isplate duga u iznosu od 157.204,37 KM.

II

Sudskim poravnanjem iz tačke I ove odluke utvrditi sljedeće:

- da je tužena JP „REGIONALNA DEPONIJA“ doo Zvornik, ul. Svetog Save bb, dužna tužitelju Općini Sapna, Ul. 206 Viteške brigade bb, 75411 Sapna isplatiti na ime glavnog duga iznos od 157.204,37 KM u roku od 30 (trideset) jednakih mjesečnih rata kao i sve pripadajuće troškove koji proisteknu iz ovog sudskog predmeta počev od zaključenja sudskog poravnanja.

- da se tužitelj Općina Sapna, u znak dobre volje i nesmetanog funkcionisanja JP „REGIONALNA DEPONIJA“ doo Zvornik, odriče zakonskih zateznih kamata ukoliko tužena glavni dug izmiri u dogovorenom roku iz sudskog poravnanja.

III

Zadužuje se Zajedničko pravobranilaštvo da prilikom formulisanja sadržaja sudskog poravnanja, ukoliko je to potrebno, utvrdi i druge bitne elemente u interesu Općine Sapna, u skladu sa Zakonom

IV

Ova Odluka stupa na snagu danom donošenja i bit će objavljena u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj:02-02-2034-4/25
Sapna,04.12.2025.godine

Predsjedavajući Općinskog vijeća
Salim Husejnović s.r.

Na osnovu člana 12. Zakona o ministarskim, vladinim i drugim imenovanjima („Službene novine Federacije BiH“, broj 12/03, 34/03 i 65/13), člana 5. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19), člana 22. Statuta općine Sapna („Službeni glasnik općine Sapna“ broj 6/07, 8/09 i 3/12) i člana 9. Odluke o uslovima, kriterijima i postupku imenovanja članova nadzornih odbora JKP „Sapna“ d.o.o. Sapna i JP „VETERINARSKA STANICA“ d.o.o. Sapna („Službeni glasnik općine Sapna“ broj: 6/21) Općinsko vijeće Sapna na sjednici održanoj dana 04.12.2025. godine, donosi

ODLUKU
o utvrđivanju prijedloga kandidata za konačno imenovanje
članova Nadzornog odbora JKP „Sapna“ d.o.o Sapna

Član 1.

Ovom Odlukom Općinsko vijeće Sapna utvrđuje prijedlog kandidata za konačno imenovanje na poziciju članova Nadzornog odbora JKP „SAPNA“ d.o.o Sapna, kako slijedi:

1. Sejdinović Bejto,
2. Spahić Mersiha,
3. Jusić Jusuf.

Član 2.

U skladu s ovom Odlukom skupština JKP „SAPNA“ d.o.o Sapna će donijeti odluku o konačnom imenovanju članova nadzornog odbora na mandatni period od 4(četiri) godine.

Član 3.

Ovo Odluka stupa na snagu danom donošenja i bit će objavljena u „Službenom glasniku općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj:02-02-2034-5/25
Sapna, 04.12.2025. godine

Predsjedavajući Općinskog vijeća
Salim Husejnović s.r.

Na osnovu člana 12. Zakona o ministarskim, vladinim i drugim imenovanjima („Službene novine Federacije BiH“, broj 12/03, 34/03 i 65/13), člana 5. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19.), člana 22. Statuta općine Sapna („Službeni glasnik općine Sapna“ broj 6/07, 8/09 i 3/12) i člana 9. Odluke o uslovima, kriterijima i postupku imenovanja članova nadzornih odbora JKP „Sapna“ d.o.o. Sapna i JP „VETERINARSKA STANICA“ d.o.o. Sapna („Službeni glasnik općine Sapna“ broj: 6/21), Općinsko vijeće Sapna na sjednici održanoj dana 04.12. 2025. godine, donosi

ODLUKU
o utvrđivanju prijedloga kandidata za konačno imenovanje
članova Nadzornog odbora JP „Veterinarska stanica“ d.o.o Sapna

Član 1.

Ovom Odlukom Općinsko vijeće Sapna utvrđuje prijedlog kandidata za konačno imenovanje na poziciju članova Nadzornog odbora JP „Veterinarska stanica“ d.o.o Sapna, kako slijedi:

1. Ademović Šahman,
2. Mešić Almir,
3. Smajlović Mersudin.

Član 2.

U skladu s ovom Odlukom skupština JP „Veterinarska stanica“ d.o.o Sapna će donijeti odluku o konačnom imenovanju članova nadzornog odbora na mandatni period od 4 (četiri) godine.

Član 3.

Ova Odluka stupa na snagu danom donošenja i bit će objavljena u „Službenom glasniku općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj:02-02-2034-6/25
Sapna, 04.12.2025. godine

Predsjedavajući Općinskog vijeća
Salim Husejnović s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 04.12. 2025.godine, razmatrajući Informaciju o uspjehu učenika i postignutim rezultatima u JU OŠ Sapna na kraju školske godine 2024/2025.godine, donijelo je

ZAKLJUČAK

I.

Usvaja se Informacija o uspjehu učenika i postignutim rezultatima u JU OŠ Sapna na kraju školske godine 2024/2025.godine.

II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-7/25
Datum, 04.12.2025.godine

Predsjedavajući Općinskog vijeća
Salim Husćinović s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 04.12. 2025.godine, razmatrajući Informaciju o uspjehu učenika i postignutim rezultatima u JU MSŠ Sapna na kraju školske godine 2024/2025.godine, donijelo je

ZAKLJUČAK

I.

Usvaja se Informacija o uspjehu učenika i postignutim rezultatima u JU MSŠ Sapna na kraju školske godine 2024/2025.godine.

II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-8/25
Datum, 04.12.2025.godine

Predsjedavajući Općinskog vijeća
Salim Husejnović s.r.

Na osnovu člana 22. i 124. Statuta Općine Sapna („Službeni glasnik Općine Sapna“, broj 6/07, 8/09 i 3/12), te člana 100. i 107. Poslovnika Općinskog vijeća („Službeni glasnik Općine Sapna“, broj 7/07, 9/08 i 2/20), Općinsko vijeće Sapna na sjednici održanoj dana 04.12. 2025.godine, razmatrajući Informaciju o upisu učenika u prvi razred JU OŠ Sapna i JU MSŠ Sapna u školskoj 2025/2026.godini, donijelo je

ZAKLJUČAK

I.

Usvaja se Informacija o upisu učenika u prvi razred JU OŠ Sapna i JU MSŠ Sapna u školskoj 2025/2026.godini.

II.

Zaključak stupa na snagu danom donošenja i objavit će se u „Službenom glasniku Općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 02-02-2034-9/25
Datum, 04.12.2025.godine

Predsjedavajući Općinskog vijeća
Salim Husejnović s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinski Načelnik

Broj: 01-45-2023/25
Datum, 14.11.2025. godine

Općinski načelnik općine Sapna, po zahtjevu mladih aktivista koji organizuju memorijalni turnir „17 Zlatnih“, na osnovu člana 10. stav 1. tačka 4) Zakona o udruženjima i fondacijama („Službene novine FBiH“, 45/02), i člana 41. Statuta općine Sapna („Službeni glasnik općine Sapna“, broj 6/07, 8/09 i 3/12), d o n o s i:

O D L U K U
o upotrebi naziva općine

I

Udruženju građana „SEDAMNAEST ZLATNIH“ Sapna, **odobrava se** da mogu u naziv udruženja unijeti naziv Općine Sapna.

II

Ova Odluka stupa na snagu danom donošenja i ista se ima objaviti u „Službenom glasniku općine Sapna“.

Dostavljeno:

1. UG „Sedamnaest zlatnih“ Sapna
2. Za „Službeni glasnik općine Sapna“
3. a/a

OPĆINSKI NAČELNIK

Zudin Mahmutović s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinski načelnik

Broj: 01-40-2042/25
Sapna, 17.11.2025. godine

Na osnovu člana 116. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj 39/03, 22/06 i 43/10), člana 13. Odluke o organizovanju i funkcionisanju zaštite i spašavanja ljudi i materijalnih dobara u općini Sapna („Službeni glasnik općine Sapna“, broj 6/07), člana 7. Odluke o osnivanju Općinskog štaba civilne zaštite („Službeni glasnik općine Sapna“, broj 3/15) i člana 41. Statuta općine Sapna („Službeni glasnik općine Sapna“, broj 6/07, 8/09 i 3/12), Općinski načelnik općine Sapna, d o n o s i

RJEŠENJE

o izmjeni Rješenja o postavljenju komandanta, načelnika i članova Općinskog štaba civilne zaštite Sapna

Član 1.

U Rješenju o postavljenju komandanta, načelnika i članova Općinskog štaba civilne zaštite Sapna broj:01-44-840/15 od 24.04.2015.godine, broj: 01-44-1450/15 od 04.11.2015.godine, broj 01-44-1444/16 od 13.12.2016 godine, u članu 1. tačka 3. alineja h) Samir Karić komandir Policijske stanice Sapna , za koordinaciju rada između štaba i policije „ zamjenjuje se riječima“ Mustafa Huremović, VD komandir policijske stanice Sapna, za koordinaciju rada između štaba i policije.

Član 2.

U ostalom dijelu Rješenje ostaje neizmjenjeno.

Član 3.

Ovo Rješenje stupa na snagu danom donošenja i objavit će se u „Službenom glasniku općine Sapna“.

Općinski načelnik

Zudin Mahmutović s.r.

Dostavljeno:

1. Imenovanim,
2. Službi civilne zaštite,
3. U „Službeni glasnik općine Sapna“i
4. a/a.

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinski načelnik

Broj: 01-19-2051/25
Sapna, 18.11.2025. godine

Na osnovu člana 41. Statuta Općine Sapna ("Službeni glasnik Općine Sapna", broj 6/07, 8/09 i 3/12) i člana 43. Odluke o komunalnom redu ("Službeni glasnik Općine Sapna", broj 1/12, 5/15 i 5/19), Općinski načelnik Općine Sapna, donosi

P R O G R A M

utvrđivanja lokacija za zauzimanje javnih površina

UVODNI DIO

I. Ovim Programom utvrđuju se lokacije javnih površina za postavljanje privremenih objekata tipa kiosk; ljetnih i zimskih bašta koje nisu satavni dijelovi postojećih objekata i prostorija; postavljanje bašta, tendi, privremenih prodajnih i izložbenih mjesta ispred poslovnih objekata i prostorija; postavljanje pokretnih objekata na točkovima, tezgi, rashladnih uređaja, stolova za prodaju lutrije, knjiga, cvijeća, čestitki, suvenira, ukrasnih predmeta i sl.; postavljanje zabavnih parkova, cirkusnih šatri, ringišpila i drugih zabavnih sadržaja; zauzimanje javnih površina po drugom osnovu na području obuhvata po Regulacionom planu za stambeno-poslovnu zonu „Centar“ u Sapni i Izmjenama Regulacionog plana za stambeno-poslovnu zonu "Centar" u Sapni.

II. Za postavljanje privremenih objekata tipa kiosk utvrđuju se sljedeće lokacije:

Lokacija 1.

U ulici 206. Viteške brigade (kod zgrade pošte), na parceli označenoj kao k.č. broj 3048/4 zv. „Kolonija“, upisana u PL broj 1226, KO Sapna, površine 36,00 m².

Lokacija 2.

U ulici Žrtava genocida u Srebrenici (kod zgrade šumarije), na parceli označenoj kao k.č. broj 3048/1, zv. „Kolonija“, upisana u PL broj 1226, KO Sapna, površine 16,00 m².

Lokacija 3.

U ulici Žrtava genocida u Srebrenici (kod zgrade MUP-a), na parceli označenoj kao k.č. broj 3048/1, zv. „Kolonija“, upisana u PL broj 1226, KO Sapna, površine 16,00 m².

Lokacija 4.

U ulici 206. Viteške brigade (ispred JZU Dom zdravlja Sapna), na parceli označenoj kao k.č. broj 3058/1, upisana u PL broj 1409, KO Sapna, površine 10,50 m².

Postavljanje kioska i tendi (slobodnostojećih i fiksiranih za fasadu ispred ugostiteljskih objekata) vršit će se na period maksimalno do 3 godina, a na osnovu urbanističko-tehničkih uslova iz pribavljene lokacijske informacije ukoliko to prostorne mogućnosti dozvoljavaju.

III. Za postavljanje ljetnih i zimskih bašta ispred ugostiteljskih objekata i zauzimanje javnih površina ispred drugih objekata koje će služiti za obavljanje osnovne djelatnosti, odobrvat će se po zahtjevu vlasnika/korisnika tih objekata na period definisan Odlukom o komunalnom redu, a za postavljanje istih određuju se sljedeće lokacije:

Lokacija 5.

U ulici Žrtava genocida u Srebrenici (na platou u Centru), na parceli označenoj kao k.č. broj 3048/1, zv. „Kolonija“, upisana u PL broj 1226, KO Sapna, površine 61,48 m².

Lokacija 6.

U ulici Žrtava genocida u Srebrenici (na platou u Centru), na parcelama označenim kao k.č. broj 3048/1 i k.č broj 3048/2, zv. „Kolonija“, upisane u PL broj 1226, KO Sapna, površine 48,24 m².

Lokacija 7.

U ulici 206. Viteške brigade (ispred Sportske dvorane), na parceli označenoj kao k.č. broj 3045/1, zv. „Kod mosta“, upisana u PL broj 1226, KO Sapna, površine 39,56 m².

IV. Za postavljanje ljetnih odnosno zimskih bašta koje nisu sastavni dijelovi postojećih objekata i prostorija vršit će se na period definisan Odlukom o komunalnom redu, za postavljanje istih određuju se sljedeće lokacije:

Lokacija 8.

U ulici Žrtava genocida u Srebrenici (na platou u Centru), na parcelama označenim kao k.č. broj 3048/1 i k.č broj 3048/2, zv. „Kolonija“, upisane u PL broj 1226, KO Sapna, površine 106,60 m².

Lokacija 9.

U ulici Žrtava genocida u Srebrenici (na platou u Centru), na parcelama označenim kao k.č. broj 3048/1 i k.č broj 3048/2, zv. „Kolonija“, upisane u PL broj 1226, KO Sapna, površine 77,00 m².

V. Mjesta na javnim površinama na kojima je odobreno postavljanje stolova i stolica radi postavljanja ljetnih i zimskih bašta, bez obzira da li su sastavni dijelovi postojećih poslovnih prostorija ili nisu moraju ispunjavati slijedeće uslove:

1. Prostor koji ostaje za pješake ne smije biti uži od 2,0 metra, a gdje prostorne mogućnosti ne dozvoljavaju, širina pješačke staze ne smije biti manja od 1,6 metara.

2. Udaljenost ograde ljetne i zimske bašte od ruba saobraćajnice ne smije biti manja od 1,0 metara.

3. Javna parkirališta i površine na kojima se nalaze ventilacioni otvori i slično, ne mogu se odobriti za postavljanje ljetne bašte.

4. U površinu ljetne bašte uračunava se i površina živice, žardinjere ili druge ograde, koja se postavlja uz rubove bašte.

5. Visina pokretne ograde ne može biti veća od 1,0 metra.

6. Po prestanku rada ugostiteljske radnje kao i po proteku vremena određenog u rješenju za zauzimanje javne površine, mora se ukloniti sve što je bilo u funkciji ljetne bašte, a površina privesti prvobitnoj namjeni u roku od 3 dana od dana prestanka rada, odnosno isteka odobrenog roka, o čemu će blagovremeno pismeno obavijestiti organ koji im je izdao rješenje za zauzimanje javne površine.

7. Postavljanje slobodnostojeće tende kao načina zaštite od sunca može se izvršiti isključivo pod uslovima utvrđenim u urbanističkoj saglasnosti, odnosno prostorne mogućnosti.

VI. Rješenjem o odobrenju za zauzimanje javne površine, određuje se lice kome se odobrava zauzimanje javne površine, detaljna oznaka i veličina lokacije koja se odobrava (skica predmetne lokacije), namjena, vrsta objekta, vremenski period na koji se odobrava zauzimanje, visina naknade i drugi elementi.

VII. Zauzimanje javne površine za postavljane pokretnih objekata na točkovima, tezgi, rashladnih uređaja, stolova za prodaju lutrije, knjiga, cvijeća, čestitki, suvenira, ukrasnih predmeta i sl. (u daljem tekstu: za različite namjene), određuju se lokacije:

Lokacija 10.

Ulica 206. Viteške brigade (na trotoarima, od JZU Dom zdravlja Sapna do skretanja za Kobiliće).

Lokacija 11.

Ulica Žrtava Genocida u Srebrenici (od pošte do NLB banke).

VIII. Zauzimanje javne površine iz člana VII ovog Programa odobrit će se samo na osnovu zahtjeva i to u dane državnih i drugih praznika kada je to uobičajeno, a najduže do 15 dana, površine do 5,0 m² u skladu sa Odlukom o komunalnom redu, pod uslovom da ne ugrožava javni i pješački saobraćaj, te u skladu sa prostornim mogućnostima uz obilježavanje od strane općinskog službenog lica.

IX. Zauzimanje javnih površina za postavljanje zabavnih parkova, cirkusnih šatri, ringišpila i drugih zabavnih sadržaja određuje se lokacija:

Lokacija 12.

Dijelovi parcela označenih kao k.č. broj 3046/1, zv. „Sušara“, k.č. broj 3048/1 i k.č. broj 3048/9, zv. „Kolonija“, k.č. broj 3049/1 i k.č. broj 3049/2, zv. „Orasi kod rijeke“, sve upisane u PL broj 1226, KO Sapna.

X. Zauzimanje javnih površina po drugom osnovu odobrit će se na osnovu pojedinačnih zahtjeva, u postupku koji provodi nadležna općinska službe.

XI. Za korišćenje javnih površina iz člana II, III, IV, VII, IX i X korisnik je dužan plaćati naknadu koja se uplaćuje u budžet Općine Sapna.

Visina naknade za zauzimanje javne površine utvrđuje se Odlukom o komunalnim taksama, na prijedlog općinske službe nadležne za komunalne poslove, a u zavisnosti od namjene za koju se vrši zauzimanje javne površine i od zone u kojoj se javna površina nalazi.

XII. Stupanjem na snagu ovog Programa prestaje da važi Program utvrđivanja lokacija za zauzimanje javnih površina („Službeni glasnik Općine Sapna“, broj 6/22).

XIII. Ovaj Program stupa na snagu danom njegovog donošenja i isti će se objaviti u „Službenom glasniku Općine Sapna“.

Prilog: Grafički prikaz lokacija za zauzimanje javnih površina.

OPĆINSKI NAČELNIK

Zudin Mahmutović s.r.

PROGRAM UTVRĐIVANJA LOKACIJA ZA ZAUZIMANJE JAVNIH POVRŠINA

G5

R456 Priboj-Sapna-Karakaj

3055/5

3055/2

3056/2

3058/3

3056/3

3056/4

3058/4

3058/1

LOK.4
P=10.5 m2

3057/1

3057/2

3091/4

3048/4

LOK. 1
P=36.0 m2

3048/5

3048/11

3051

LOK.5
P=61.48 m2

LOK.6
P=48.24 m2

LOK.9
P=77.0 m2


3048/2

LOK.8
P=106.6 m2

3048/6

3047/1

3048/1



[Handwritten signature]

Sapna, 18.11.2025. godine

PROGRAM UTVRĐIVANJA LOKACIJA ZA ZAUZIMANJE JAVNIH POVRŠINA



Sapna, 18.11.2025.godine

